

狹南集

乾

日名

16  
659  
1





和  
號659  
卷一

此集應勸狂於魯醜刻三分之一詩也文也新舊故人存與亡凡贈答賀哭及應需之作不必得意唯以交情厚薄為取捨云

# 狹南集

四卷  
二本

名齋藏



## 狹南集序



余年少從事熊耳先生與藤明夫相見明夫長於余十有餘歲既下帷教授以其居孔邇數相往來得提挈之益蓋不少矣此時同社之人皆根擢於李王而為世所謂古文辭者獨明夫刻意於韓柳而不為剽竊模議余私異之既而明夫始居城南路阻且遠余亦以刀圭無暇潤焉不往來者三十餘年于茲矣而世皆以李王之文信屈難句取而棄之無復為焉考於是知明夫有所見也明夫



素清貧，無儋石之儲，而高尚其志，不屈已，以仕官，頗有古人之風。冬頃日，來訪余，秉燭夜談，常交零落，殆盡矣。特明夫及根，其美耳。然髮已禿，余亦齒沫，毛一二，則以喜其無恙。一則以此歲月如流，而忽悟明夫，矍鑠劇談，如然時，及適出其集，示余曰：「此一時之遺興，與應需塞責之所為也，豈足以傳哉！然以人謀上，諸梓不心，予已許之，請子序之。」余受而讀之，其詩推本於李杜，而不涉於浮巧，其文亦平易，而不移於綺靡，可謂取途

坦道而不走曲徑者矣。及刻成書，其所知見以存，當文之祖云。  
文化乙丑之夏

江都 侍醫法眼於浦安堂書





秋南集序

一日薛明夫來謂曰余係年六十八於茲  
老矣頃有刊系文集以傳子及心人是欲  
擬遺一傳之乎也子死思與子載於後  
必也又不然必而色大都亦序者自知之  
謂此扁於立言也余余曰善哉吾亦知  
曰吾知之亦未之不一也也見吾說我仲  
英先守其家時既見其志先人已歿其後子  
德耳滿水二既知其志其教往時遊  
瑋不易逢名流濟矣之亦遺一人以集

此頁為多條空白欄，僅含極淡的垂直印刷痕跡。



余則又延步氣七十年為為人之道而人知吾  
 所斯事之哉因省恥之悔何可及矣生事一  
 出於人皆知有為流風之在治多矣二之君  
 子已為具子亦知此余不任所心亦為而書  
 之老一人遺至子亦且為志其由也其為序

文化二年之秋

胎元立



狹南集序

世觀人之有刻詩若文者未竟卷而曰之卑瑣者丈夫  
 不為也余乃以為何其言之慘也是乃其敬精神窮日  
 之力而所得者芻蕘亦可取則自以為敬帝豈可自傍  
 屏棄哉縱曰不容于今烏得保於身後我是為幾者之  
 言耳蓋其傳與不傳若有真宰存矣於我何與先是余  
 交明夫於熊耳先生所也孰其為人恢達善譚先生亦  
 以是稱為爾來以居遼遠睽離殆三十年頃者明夫來  
 謁曰余犬馬之齒已垂七十四年前長子死矣無復繼  
 業者志亦墮矣平素所著因門人之從與一其三欲以



上木焉梓遂就贈遺門人故舊則足矣豈有意傳於後  
哉以子之為故敢請序其由余惟明夫之詩學唐而不  
陷淺俗文雖不必古不失桀矍矣自少罹宦不復出仕  
高尚自好其發言辭之間可知也然則此編也寧可湮  
滅而不傳哉今也文運日熾風隨時移達者豹變庸夫  
輩面其有齷明夫者亦何恠焉余已憫其薄祿且嘉有  
門人從臾而謀上木為序如此文化二年乙丑秋七月

東毛

根經世撰



吳槁

木翹之書



狹南集目錄

卷之一

五言古詩五首

七言古詩五首

五言律詩三十八首

卷之二

七言律詩四十二首

五言絕句三十八首

七言絕句六十二首

卷之三



序八首

記五首

說一首

碑二首

墓誌一首

墓碣五首

卷之四

祭文一首

贊四首

聯一首

跋一首

書牘十五首

狹南集目錄

狹南集卷之一

武埜 藤忠休明夫著

五言古

幽棲春興

舍後數頃之際鶯聲多且好昔曰鶯谷云

衙門聖阪下樓遲幾度春每春興無恙一樽弄芳辰  
後直接鶯谷前斜通海濱恒攬春眠夢好音懇報晨  
海天時忽曙當檐霞彩新幽趣長如此真堪遂隱淪

題烏海山人舍光室

海頭環堵室正面是扶桑起來纔開戶早已惹朝陽  
暗宵迎月處澄暉纖不妨滿室光如射金波似浸牀



漁火將烟霞晝夜遞含光主人晝夜興競光藻翰揚  
我徒往來熟耻難成和章

夏日名齋邀飲野曾二老

陋齋倚聖阪聖阪是佳名賢車非可回良朋似易迎  
殊喜二藜杖來尋老後盟論心實款然對樽賓主情  
俱知酒中趣總無世上營酣飲宜避暑醉後詩將成  
成逢吾輩句不使他人賡

題樊噲鴻門持盾圖

雄姿輕擁盾猛氣絕等倫抗憤以直入何傍若無人  
褒主稱其功讓羽忘其身卮酒將彘肩豈亦解入唇

亞父謀見挫劍舞為逡巡鴻門忽蛇變霸上遂龍伸  
智哉張子房托急一介臣漢祚四百基安定暫時瞋

送高玄仙奉藩命與聞改政因之封

某藩于東都邸今茲藩進用  
以不次之位使與聞改政事

君元上醫才久看唯醫人疾今識醫國進踰尊戚臣  
恩感委任重忠欲致其身治封思瞑眩豈可憚艱辛  
行見垣一方政迹自將新何須効市義燒券徒說民  
務謀公家利所願不違仁移來三世術亦使藩回春

七言古

題圉君章畫蜀道圖



聞說蠶叢開國年與秦猶未通人烟西當太白之分  
 野纔有鳥道之接天今見梯棧五丁功往往勾連浮  
 雲中攀之誰不摧心肝下臨懸崖上層巒層巒遠近  
 分黛色衆壑陰晴隨筆端千狀萬景功殊絕使人坐  
 知蜀道難蜀道之難實難哉有客何陟彼崔嵬先後  
 偃僂進不得身向絕壁仰歎息足履斷岸恐顛墜幾  
 世行役不可識况又可問危懼情瞪目吾心感慨生  
 請見人間今古事世途艱險總崢嶸

驛亭逢久別者又別

鄉關一別各天涯驛亭邂逅亦暫時話舊傳杯歡未

央忽唱離歌淚重垂假令生有四方志豈堪親朋老  
 別離別離從此又幾載恐將泉下盡交期倉皇已就  
 歧路去愴恨無由問向處共憐飄零不遇身長作東  
 西南北人

贈田宗甫并序

寬政乙卯勉夏余右手發紅絲疔也趨隣鑿田  
 氏求治不日全瘳後及視鑿書論紅絲瘡害人  
 速痛定覺痛之情有感岌岌乎如肉骨因賦報  
 大恩兼謝幣不當云  
 手節疔瘡毒何隆紅絲纔發一瞬中走上忽將衝肩



臍唯恐遂入腹心攻已入腹心誰免死謝君救急一  
鍼功紅絲截盡命先續神膏且貼散餘毒毒散恰如  
雲霧暗速效偏使死人生方今君是我扁鵲謝恩聊  
歌感戴情情厚勿恠將幣薄寒士命似鴻毛輕

哭樵寺高玄和尚

與公傾蓋不知新許飲容狂情日親虎溪風流爲今  
古攢眉不用勝遊頻中間前後去深川卜居我向芝  
南邊卓錫公遷淺草鄉淺草芝南道杳然杳然道路  
如比隣往來不絕三十年俗諦貧文排管鮑禪餘雅  
尚問詩篇白蓮一旦驚捐社流水終身欲絕絃無奈

德音猶在耳幽明再會竟無緣縱令丘墳爲荒楚冀  
唯使神理綿綿

寄題光明寺紅梅

光明精舍古紅梅聞說

神祖手自栽珍花奇香非凡種初在參州春幾回花  
開恩顧偏生色何歲遠移東都來櫻田門外抗朱邸  
黃金布照梵王臺臺上梅花轉榮芬絳萼氤氳帶瑞  
雲即今西窪是三遷紺園蜀錦尚何鮮此寺從來護  
此梅根株不易二百年枝條彌茂花彌美年年貢獻  
孟春始此日萬邦八宗僧神司祝人將道士寶符束



帛貢萬種雜杏或不知所委此梅唯見在中央一瓶  
 紅妝映御床滿朝目指皆驚嘆殊恩知不是尋常  
 寺獻梅花名夙顯梅須寺主賞今昌寺主風流多雅  
 友題詩各體共成章一舉千春功不朽佳句名花闕  
 肇陽請看聖代右文化使梅與寺更揚光

五言律

題諸葛武侯圖

三顧追殊遇兩朝報遺恩表成愁漢室師出向中原  
 挑戰星先隕計生敵尚奔長傳餘勇異能使衆軍存  
 病起立春

纔從久病起忽值立春時草色催三徑梅花發一枝  
 雪消宜試步鶯到不愆期倚杖盤桓興賞心未甚衰

同前除夜

年華將盡夜病倦漸瘳人何用愁催老更忻生向春  
 濁醪聊取醉寒燭獨相親叨憶詩歌興明朝與物新

同前新歲

起來迎歲處春色望佳哉病與餘寒謝魂兼淑氣回  
 酒杯從此醉詩賦且將裁誰笑文辭好不如消渴才

賀智嶺上人轉席

淨土門學徒席階四策年

義有常例漸進至第一座則出主檀林云



居諸忘寢食，行住積精誠。轉席階先進，講書學已成。  
闔山稱德美，甲座待年盈。早晚壇場上看，君主法盟。  
綠珠怨

歡娛終日宴，驚駭一時悲。臨檻仇讎迫，向君涕淚垂。  
殊恩雖可報，偕老竟難期。恨殺高樓下，冥魂幾處隨。

秋日醉起言志

世情舊踈懶，痛飲是生涯。醉後催眠處，醒來漸覺時。  
酒樽唯任賞，鱸膾那須思。意對秋風適，未知客裡悲。

九日友人載酒見過

黃菊發花辰，青樽送酒人。迎催佳節興，酌盡素交親。

風冷堪貪醉，盤空豈愧貪。却誇彭澤令，千載此為倫。

達子翰見示追悼亡友作席上分韻同和

舊好何年故，追悼此日長。物華驚易換，交誼見難忘。  
非爾唯催淚，令人亦斷腸。感情餘愛惜，殊勝友于傷。

歲晚達子翰宅集同賦得真韻二首

華屋終年會，青衫舊好人。銜杯憐酒美，投轄見情親。  
園柳看催色，庭梅欲入春。春醪何日熟，亦賞重遊新。  
流年雖可惜，賞會一何親。乘醉狂無恙，共誇詩有神。  
豈論老將至，唯覺興彌新。庶莫深更後，劇談驚四隣。

田家守歲



田間愁守歲燈下強含杯城邑難忘思椒盤不見催  
都人誰獻頌野客獨增哀自笑栖栖意終非隱逸才

迎春曲

歲月漂零客迎春思若干漸添二毛色未得一枝安  
雖對烟霞好懶為杯酒歡唯知生理拙非與世途難

仙親鳳前莊梅花開因邀飲席上贈主人

幽莊投轄日芳苑值梅開新呀遷鶯近清香撲酒來  
漏遲酣飲洽月出醉眠催不是羅浮夢亦將惆悵回

歲暮漫成

忽逢一年暮轉見二毛生名豈求身後器難期晚成

狂歌聊守拙爛醉謾安情自笑窮途跡蕭然似厭榮

菽休卿宅集同題庭前桂樹

憐君市中隱桂樹兩三株遂茂清陰足占幽俗事無  
苦吟裁賦罷相和屬吾徒不是淮南地風流道豈孤

勉樓閑望

雨後高樓望天涯暑色收林巒殘日映村落暮煙稠  
閑興偏相得世榮非可求誰知此時意不復讓巢由

夏日山行得友韻

山行宜避暑獨步陟崔嵬溪水分峰響松風拂杖來  
雲深迷遠近日落尚徘徊遮莫身無具勝情帶月迴



詠霜

秋暮寒威進，曉晴風勢雄。原頭凝白露，山上染丹楓。  
漸近堅冰至，先看衆草空。追傷念孝子，肅肅苦車中。

初夏飲水亭

水亭携酒處，倚檻望悠悠。輕燕隨風舞，羣鷗逐浪浮。  
吟詩閑適足，乘醉世情休。俱惜歸來夕，納涼期再遊。

首春集飲示諸子二首

陋室諸賢飲，主人知命春。未論昨非事，唯結舊交親。  
吾性雖違俗，斯文幸有隣。不妨開賞會，長此避風塵。  
一樽春酒宴，滿坐故交歡。歌和嚶鳴起，醉乘狂態闌。

已遭遲日入，猶愛短風寒。羞不勞供給，妄為投轄看。

春日過友人山齋

尋春芳樹嶺，遠跡故人家。鳥似呼過客，徑從踏落花。  
入門泉水灑，對酒信塵遐。幽賞偏難盡，忘歸弄晚霞。

至日陪岡部侯宴客歲侯協衛在浪華城

鳳城雙闕前，鸞列五更天。已獻青雲履，還開朱邸筵。  
陪遊總無恙，相和各裁篇。何用江南興，梅花問去年。

春遊山寺得休字

山岳探春處，一蹊深入幽。坐憐塵俗遠，心覺愛離休。  
衆鳥鳴馴客，百花開滿丘。殷勤此中興，能更幾回遊。



南楚公子有仲秋會宴約有事故不得詣明  
日陪遊別業昨夜無月今日乘晴上夜探韻  
得一先公子賜華筆賦之奉謝

昨夜高堂宴移來別業筵斜陽明檻外宿露霽天邊  
待月將裁賦停杯未舉鞭誰憐揮賚筆殊寵照新篇  
哭街萬里二首

壯歲逢君處深川執友初笑談憐臭味來往熟隣居  
世故從為隔舊文久怨踈豈圖今日事萬慮一時虛  
與君離別後星曆幾回遷情好雖無恙信音不易傳  
會偏期宿老驩再待他年忽為歌蒿里感傷勝絕絃

遊春曲

紅霞千里色濁酒一瓢春富貴非吾命優游竟此身  
不妨耽縱飲自若弄芳辰誰笑狂夫性老彌違世人  
為澤子威題蟠桃圖壽母太人八十初度

度索三千里屈盤一辟間画成開壽宴花發映仙顏  
不惹金門色還凌綵服斑長看從阿母坐起此相攀  
丁巳歲至日讀太史公書至無巖處奇士之  
行而長貧賤好語仁義亦足羞也心有感動  
是夜東都之俗無貴無賤詣巫祝之庭請禱  
來歲福慶余亦倣古人送窮逐貧賦求福請



云

衆人祈福夕，獨坐感貧情。已挫生前業，恨無身後名。  
隨陽逢富復，償債願心平。神請追窮鬼，使吾期勉成。  
題松溪載鶴畚壽無事堂主人六十

應是孤山隱，松溪載宦船。深過青翠蔭，轉見羽毛鮮。  
客至能迎主，主歸知得仙。爲君非凡骨，稱壽好題篇。  
題松壽不頓翁六十初度

負幹老成鱗，蓋榮六十春。歷寒猶不頓，迎暖更看新。  
膏足供仙鼎，壽堪稱谷神。喜君初度宴，秀色映芳辰。  
仲春草堂集探韻同賦

風吹門外柳，影鎖陸沈幽。纔隔紅塵色，更憐白屋遊。  
賒來酒雖薄，歡得轄堪投。况有鶯啼切，殷勤和醉謳。  
聞笛忘眠

獨臥孤燈下，夜深轉寂然。四隣人語歇，一曲笛聲傳。  
寥亮風相雜，聽聞情更憐。入微三奏後，欹枕尚忘眠。  
擁爐

終身違世事，一室倚山隅。老去衣猶薄，渴來酒亦無。  
寒光耀冰雪，風氣透肌膚。傷殺窮陰夕，肅然獨擁爐。  
歲暮書懷

遇合才雖異，貧賤命可知。青雲從斷望，白髮不須窺。



梅樹纔開處歲華云暮時乍逢春意動醉興未應衰

賀澤伯義四十初度時老母在堂上多子連

膝下身處劇職色養不怠教習不倦閨門雍

睦云

不惑纔稱歲習官心靜閑階連芳樹秀衣向北堂班

占雀西王母致桃東海山何須効方朔偷得列仙班

狹南集卷之一

狹南集卷之二

武埜 藤忠休明夫著

七言律

九日訪靖齋浦君疾值稍瘳驩甚探韻同賦

病間佳節興無妨訪問盡歡殊異常坐上青樽斟換

藥籬邊黃菊采浮觴登高幾處遨遊盛作賦此中吟

詠長君自風流誰可比茂陵消渴富篇章

初訪飛來師寓居明日有寄詩賦此酬之

已罷津梁道水灣試琴坐臥弄潺湲文章會友猶開

徑市井為鄰不買山禪定訪來非境遠玄言聞得覺



心閑交情更謝投新賦傾蓋殷勤許往還

深川新歲作

客居幾處數迎春此地今年賞更新江海傍門供遠望烟霞滿目愜幽人生涯狂簡難遭世醉裡交遊漸作隣好是簞瓢本我分何須改樂厭清貧

答友人東海道中見寄

歸客西來自送行黃鸝春盡罷嚶鳴豈圖半道投新賦猶向中原憶舊盟擊節遙知探勝興結交無恙加餐情情親倍恨秋風後各處相思對月明

早春海望二首

滄海波平眺望前晴光萬里入初年江河水帶流漸下島嶼霞侵殘雪懸侶浴浮鷗塵世外群飛歸鴈朔方天賞心偏慕仙遊興回首扶桑日出邊

潮滿海門春色回烟霞縹緲更融哉風平波浪鯨魚遠日霽樓臺蜃氣開可愛盪胸堪眺望不妨駐杖此徘徊試詩沙上揮毫處那問驚濤七發才

江村勉眺

一村比屋對清流暮色暗來望更幽日落漁人猶下網岸昏賈客共維舟天涯幾處無生事江上吾身足逸遊借問風塵慕榮利如何此地伴沙鷗



送隱者還舊山

隱操君元排許由，混塵豈與折腰愁。歸來那用裁新賦，孤往不妨攀故丘。蕙路猶存翠苔滑，草堂依舊白雲幽。移文到日無人勒，氣霽林巒迎再遊。

酬田氏見寄

才名舊聽鳳凰毛，彩筆今看郢調高。遙向菊蕘意何切，忽開錦綺首彌搔。墨河赤水東南阻，白屋朱門來往勞。早晚風流相值處，晤言交熟醉醇醪。

賀圓明師分座

禪家學徒於夏冬二時結制，百日供養衆僧，以為首座者，稱半座或分座，曰義取迦葉初見世尊于靈山會上時，大衆未敬之，世尊為分示半

座矣，或曰取世尊說華嚴經而分半座，使文殊普賢代說矣，既為首座，則號稱長老。從此進為寺主，云結制中法戰五日，自法幢師及首座以下，以次分掌之，各有法則，謂之五則，明師當日以透網金鱗之語為則。

法筵幽邃絕埃塵，恒會真如東海濱。萬里潮來浮佛日，諸天氣霽躍金鱗。已聞透網修禪熟，乍見破顏微笑新。卓錫隨緣何處是，雨花更待福田春。

除夜作

是歲為求仕移居芝南，待命於早春。

自從散髮隱漁蓑，江左光陰幾度過。今夕一年雖復盡，此身雙鬢未全皤。及時聊趣彈冠會，遣主將休扣角歌。誰笑舊遊高臥士，芝南小草後春和。



題仙波氏庭樹除斧松是初某侯海莊樹及  
 仙波氏并莊益庭莊吏使樵者盡伐其木斧  
 斤將加之主人從牆間見而止之全然存焉  
 因名云

枝葉先榮列國莊根株今并素封牆老龍鱗就臨蒼  
 海仙鶴巢來映画堂一日主人除斧罷千春丹鼎和  
 膏長長看服得紅顏駐那用求他養性方

送察罔上人住紀州大智寺

淨門檀林十八所之外賜紫大

利天下有數大智則其一也而為賜紫寺  
 主者法騰年滿大率有例罔師紀州人法  
 膺未滿特奉紀藩  
 命歸住蓋妙選也

卓錫靈峯是故鄉紫衣紆果出東方人間畫錦誰爭  
 美法界傳燈獨舉光南海珠供龍女獻諸天花散石  
 牀香遙知城邑津梁日羣衆重蹤稱嘆長

晚夏送久留米大夫介石君暫歸國二首

徂暑催歸西海舟舟行萬里更悠悠風帆未及驚濤  
 起晴夜先看大火流到日歡迎親友會今年佳節故  
 園秋登高舊是君家事幾處相携作勝遊  
 歲月從遊禮數寬雅談親接布衣歡誰知高館樽前  
 興叨作平原門下看送別暫愁情款阻含恩偏怨信  
 音難重陪唯待烟花色更照羔裘春未殘



賀高玄上人轉住二首并序

高玄上人自深川靈巖長專院移住淺州正覺寺蓋擇而取之也上人先在長專也假住幾二十年為奉養老師不忍廢遠有寶地可得而住不一敢顧若將終身焉今而出住正覺寺也距長專僅十數里舟路徑通寺前白馬津一葦枕之則往來不崇朝其事老師猶在長專矣至如船代羸老之步時時邀而娛之當過潘輿之孝耳而淨土門例小大道場從緣山學徒出住者十之八九間波及他者即雖賜紫大刹遠地僻

靈姑陋不足榮望也都邑則人皆所願欲雖小區不  
 可餘況正覺寺不知其始嘗當境內樞樹結實  
 對峙而有異人之瑞因號曰樞寺及至唐國初觀智  
 清滿國師退居于此遺跡今尚存云最為東都名刹  
 日又故緣山之徒以席次爭望者殊不數然上人從  
 遊自旁超遷住者雖真俗二諦固過絕衆抑人力不  
 至於此上人居恒奉信施無畏大士無月不詣  
 金龍山拜香今也一旦住難得名刹而奉養老  
 師還有踰同居且近金龍山不過數百步則朝  
 夕瞻禮如於一室誓願長不渝奉信愈將隆此



豈可不曰因大悲冥護之力得之乎即雖因冥  
 護之力得之至得冥護者亦唯上人精進之力  
 哉余與上人方外之交既熟欣躍其志願不違  
 乃作詩以代賀詞云爾  
 歲月江東假住身法筵尺蠖久求伸潛龍出去乘雲  
 日名嶺擇來飛錫辰白鶴影空誰可競明珠光滿獨  
 看新從今說得揚幢處更散天花化幾人  
 遷錫新登古梵臺國師舊跡墨河隈津頭白馬馱經  
 渡山下金龍護法來夙志功成終不舛大悲感得實  
 靈哉忽凌緣嶽三千席妙選揚揚壓衆才

贈咄宗師于下毛太平山賀半座

遙望東毛古梵臺幾人攀去鎖崔嵬講筵千載傳燈  
 地結制三冬分座才斷臂心臨寒雪淨拈花笑與早  
 梅開發春唯待紆真果衣鉢新懸霞色回

歲杪集宮大進奚疑館

時卜居於市井新成

客居彼此幾回移世事不妨猶隱醫歲暮逍遙狂未  
 減途窮通塞命奚疑新成室傍紅塵鎖舊好坐將青  
 眼披共喜東西南北侶再遊無恙約春時

夏日陪讌岡部侯樂只舍

封內有園曰小山侯以為號云

小山雅尚古今同豈必幽情桂樹叢樂只陪歡君子



舍快哉歡醉大王風銜盃興似凌河朔擊節吟將期  
郢中彩筆爭揮良宴會和歌才拙耻難工

三又泛舟得尤韻

同泛三又避暑舟暮潮通海望悠悠落暉猶照危檣  
上夜燭忽連長岸頭妙舞新聲留客女交歡羣飲捲  
簾樓人間樂事今如此不羨飄然向十洲

奉送岡部侯戍坂城

諸侯協衛太平年千騎津南備未前漢室送行金節  
寵別筵滿坐彩毫篇好文職事何妨武乘暇幽情且  
愛禪到日風流無恙興鴻名定識遠相傳

山孟熙病中見示新著數篇却寄

艷陽萬里賞花辰病憊三春伏枕人樽酒空違行樂  
興詩篇猶見苦吟新茂陵消渴君今在和客往來誰  
共親更待周旋乘起色何須長擬倦遊身

早春與菽休卿同訪街萬里話舊同賦得陽

韻

風流江左一時昌屈指離羣已十霜俱駭鬢毛今種  
種為懷意氣昔揚揚論心傲骨猶無恙對酒款情偏  
自長况值窻前求友鳥嚶嚶終日入詩腸

長松篇壽南潮翁八十初度



百尺庭松撫愛長，春秋八十鬱蒼蒼。  
盤根臨海神龍臥，偃蓋留霞仙鶴翔。  
助肅流膏凝琥珀，和歌清韻換笙簧。  
誕辰相對開筵處，題得好堪裁壽章。

泉士明初秋遭火災，繼余肺疾發久絕信音。

九日見惠詩并鮮魚賦，此答謝贈詩中有清宴誰家對菊

花

久濶重陽懷抱開，錦篇殊勝白衣來。  
祝融一夕黔廬後，舊好三秋作賦才。  
泛酒黃花遮莫燼，驚人佳句不為灰。  
謝吾肺疾休，籃輦擊節嘉肴坐舉杯。

哭鍊舟尊者

東林幾歲接風流，許飲屢招蓮社幽。  
醉後勉歸三笑興，禪餘雅會四時遊。  
何圖碧嶺俄鎖定，只見丹楓空占秋。  
回首壯觀都似舊，即今無奈卻添愁。

春來

春來東海滿天霞，靜對南郊處士家。  
五柳風吹絲漸動，一樽市近酒堪餘。  
醉中且步羣鷗岸，門外何迎長者車。  
老大誰嗤猶守拙，逍遙犬馬任年加。

奉送岡部侯副守坂城

開國浪華二百年，重鎮元識待才賢。  
侯今奉命恩光厚，家世保功官跡傳。  
到任鳳毛人賞美，談兵



文彩獨兼全偏懷顯職東都府早晚還為衆望先

日本橋春望二首

風光春滿武城東日本橋頭多路通南北一條殊  
踈烟霞千里更融融往來遐邇人如織匍匐從容狀  
不同且見繁華市麗富乾坤幾處得爭隆  
眺望晴分日本橋橋邊韶景更豐饒城門高映西山  
雪舟路平連東海潮萬里鮮魚為市集五陵肥馬舉  
鞭跳三春此地花禽少唯見紅塵接碧霄

六十初度宴贈席上諸君二首

老去世情彌任遠未知五十九年非樂生謾欲耽佳

句稱壽何須當少微坐弄風光負蘭滿天垂日暮聚

星輝盛筵豈是尋常興不醉諸君請勿歸

生涯六十倦遊身壽宴聊開陋巷貧市近堪慙供給

乏客來偏謝欵情親咏吟相和詩歌曲精妙且看書

画人隨意階前求友鳥嚶嚶終日好音頻

奉送芝村侯歸封

封邑在和州輪山之麓

征旆朝飄東海頭舊封歸向大和州用賢治具無苛  
政講學清筵有雅遊千載奇觀對神岳四時秀色映  
城樓為懷詩賦風流興孰與淮南桂樹稠

蒼松篇為花伯熙壽乃翁七十

致翁未仕



蒼松長歷歲寒侵每值春和綠愈深  
香脂平生供鍊藥仙翁七十未抽簪  
寧無几杖承恩賜且見兒孫傳雅音  
稱壽詩歌助歡處坐來錦繡映青襟

豐洲山氏春燕去冬邸舍再成

侯家元識寵儒臣邸舍重看恩遇新  
綺席改觀開雅宴錦篇依舊賦陽春  
和歌雖有青雲士滿坐都無白眼人  
情款禮寬將卜夜那勞投轄効陳遵

送仙鶴上人從尊師大僧正之長安華頂山

西天遠上彩雲間行輔老師華頂山  
自有緋衣出帝關兼知紫氣浮函關  
身隨丈室推高足籍在三緣進

臆班爲待君將年滿及輝燈舊舍獨先還

壽澤子威五十初度客歲子威職祿共進蓋

特恩云

幾載忠臣顯至誠特恩一旦起家名祿增  
酒醴金壘滿生厚庭階玉樹榮積善慶方今  
早得延年福自此將迎喜君壽宴無疆美殊  
異尋常知命情

芝村老侯七十初度今侯有賀詩賜覽因賦  
奉壽

金壘美酒映青陽覽揆盛筵開玉堂麟趾應輝先世  
德菟裘營保古稀長九如高調誰能和八斗奇才侯



就章叨為知音辱恩遇竭情萬壽獻無疆

壽酒玄德七十

古來稀七十之人矍鑠此翁殊絕倫  
三世業成經鍊藥五禽戲罷且輕身  
壽筵猶唱南山詠仙路直通東海濱  
縹緲烟霞何映處鬱然翠色杏林春

送曾脩庵還故鄉

憐君歲月歎歸與携手河梁感有餘  
客地窮途幾回哭鄉園畫錦即今虛  
二毛唯是多親友三徑且知存舊廬  
避暑行應耽痛飲恐秋興復賦閑居

為川德守壽乃翁七十初度

翁未致仕子孫皆為近臣

大邦豪吏古稀年奉職壯心猶未傳  
黃髮老期兒齒細紅顏仕見子孫賢  
寵光爭惹裁班服恩賜頻追降壽筵  
承得豈唯榮几杖福祥誰及舉家全

五言絕

長安道

人醉紅樓春馬驕紫陌暮舉鞭何處歸  
半向倡門路過酒家得鞭字

黃壚終日飲戀賞未揚鞭欲盡壺中酒  
先空囊裏錢

画芭蕉

幽姿餘翠色心賞坐無窮  
間有推殘處非關雨與風



夢芭蕉

夢裡攀蕉葉，題詩綠字開。覺聞怒風響，猶恐被吹摧。

南整公子及其臣邨君辭見示，九月宴之作。

奉和公子韻兼答君辭。

高堂佳節宴才子，足陪遊不是龍山。會豈無落帽儔。

題月下飛鷄圖

翰飛明月下，咫尺不聞聲。誤有人思多，好無厭禍情。

題橋上蝙蝠圖

河橋不冝下飛去，何翩翩豈向清溪裏。白成能倒懸。

大非濃州一和師性愛牽牛花栽其禪室數十步。

間供早起之觀云，應飛來師需，遙寄以助其。

賞三首

禪房已入秋，爽氣彌添幽。唯有牆頭色，露花含日浮。

幽徑蔓生花，看非富貴狀。知君早起時，相映照真相。

真僧無住着，只作一朝觀。榮落何須問，禪心隨化安。

題叢菊胡蝶畫

看恠恠園夢更疑，彭澤秋自應有分別。豈必辨陶周。

春日歸家得微韻

田園花未盡，似待主人歸。相對含杯處，轉堪覺昨非。

落葉埋徑得遐字



林居霜後興葉落望無遮且愛埋三逕風塵更自遐

自君之出矣莊閣為誰開

只憶空閨裡新詞機上裁

元旦二首

寄跡銀臺下迎春碧海前宵鐘猶未盡日出照新年

芝南元日酒海上對烟霞不似城中道競馳文物華

哭柳氏兒

芬芳春已盡玉樹忽推殘不待秋風至庭階更寂然

春閨怨得十灰

雙棲梁上燕遠向舊巢來來往無離別那知征婦哀

遠山

遠嶺四時觀白雲長不歇暗來入戶窻坐足供怡悅

雪夜小集韻限扉歸

夜雪閑居集一樽酌掩扉醉來逢月霽孰與到門歸

題畫

嶺岫枯木下一屋對峰閑斜有通幽徑何人慣往還

題梧桐喜鵲圖

碧梧垂下朶有鵲當風止看似發啼聲向誰知報喜

歲暮書懷

流年人易感感慨老彌多若問吾心事豈唯毛髮皤



溪居

塵隔清溪遠，雲埋曲逕閑。聊憐高臥意，洗耳俯潺湲。

獨酌簡友人得同字

三選無人至，一樽非酒空。酌來猶未醉，只待與君同。

書窻寒月

夜學寒窻下，月光入隙來。滅燈試相映，勝積雪如堆。

池塘生春草

雨歇池塘夕，更看春草生。雖非有神助，亦自動詩情。

題梅樹下福祿壽圖

開花梅樹下垂，瑞幾千春不似羅浮夢。暫時看美人。

秋風引

幾處秋風起，忽看送鴈群。誰知孤客恨，獨坐思紛紛。

早春邨興

三冬乘屋罷，百穀播來初。擊壤猶多暇，堯民樂有餘。

詠史

相如著犢鼻，卓氏羞何深。一旦雖分財，寧知題柱心。

又

窮巷席門，民女孫許嫁。人纔看車轍，夥已識不長貧。

分題賦櫻川

小流宕山下，落翠四時清。愛傍紅塵陌，令人欲濯纓。



江村小景

日落江流暗，纔餘島嶼明。把酒時相對，亦自愜幽情。  
冬至梅

纔值一陽回，乍看數朶開。賞心早已足，何問他寒梅。  
首春漫成

已喜青陽麗，復驚白髮添。此時欲裁賦，賞感自相兼。  
陪奠殿老侯東瀛公宴探韻賦漁火應命

高堂陪宴夕，暗望海門東。帆上斜暉沒，更看漁火隆。  
瓶梅

新水殷勤換好香，朝暮隆可憐。環堵裏愛養代天工。

七言絕

聞鶯簡友人二首

對酒懷君黃鳥鳴，嚶嚶似解主人情。唯來背此樽前興，應笑不知求友聲。

求友黃鸝勝主人，主人不及好音頻。迎君那用勞供給，共向園中醉作賓。

為題二首

滿丘苔滑歲時移，宿莽蒼蒼望自悲。追愴殷勤相對處，露浮晚色更淒其。



繁露蕭蕭帶夕陽，愁心望裡冷於霜。相逢舊社同盟客，賦罷一時堪斷腸。

秋日山陰館集懷秋歸德同賦得歌字

憶昨樽前共醉歌，西東別後邈山河。不知秋色乘多暇，探勝城邊幾處過。

同橫子高遊靖齋浦君掬月樓

歡深艷色霽樓頭，月出清光望更幽。素影今宵何用掬，入盃來自掌中浮。

送辨察和尚之京請賜黃之命歸路過南

紀省親

翩翩金錫向京飛，將拂青雲就紫微。黃色繫珠相映日，趨庭好勝老萊衣。

送義境師歸西京故山二首

一自東遊入武城，隨緣日夜結詩盟。乍驚禪客歸期速，空恨人間離別情。外來賸更高山少，頭戴去矣天涯不住身。交遊那用久為隣，只期京國山川勝賦就，別來傳故人。

歸鴈

回鴈終宵鳴不休，聲聲攪夢旅魂愁。乘時羨爾歸期定，何識人間怨滯留。



送魯山師之海上郡岡野臺等覺寺為首座

兼代祝詞

師自謂法戰之日以透網金鱗之語為則

海上禪林岡野臺行分半座法筵開豈唯透網金鱗  
躍定識獻珠龍女來

歲起初訪大島氏尋得寄詩賦此酬二首

是日雪

劇談傾蓋興先豪新賦投來調更高句句殷勤往還  
約謝君青眼愛吾曹  
結交新就值年闌錦字閑篇白雪寒再會何須春酒  
熟晴來欲作剡溪看

酬顯洲師見寄新居

結屋聊憐陋巷幽休疑寂寞子雲流聞君許酒將來  
載耻我無奇字可酬

早春遊望二首

忽見風光鮮舊色亦知人事元無極乘時遊樂只須  
求何用長徒愁否塞  
守拙幾年忘老催誤身今日感春回看憐黃鳥辭幽  
谷逐節早遷喬木來

首 柳子文宅宴同賦庭上菊花得東陽二韻四

黃菊新開邸舍中盛筵客至賞無窮金罍美酒花相



映勸醉撲杯香散風  
 清樽愛菊吏情空醉後悠然興自雄此會雖無勞載  
 酒風流不讓陶家叢  
 栽來名種各分行疊玉攢金色滿堂何用即今稱隱  
 逸庭階更見有輝光  
 風起芬芳奪國香滿庭花色映秋陽賞心乘醉揮毫  
 處賓主爭將鬪麗章

寄題菽休卿白鶴樓

白鶴樓中詩與文主人雅尚出鷄群興來諷詠聲清  
 處應入青霄高自聞

夏日贈隱者得刪韻

嘉遯幾年棲碧山寧知苦熱在人寰深溪聞說肥魚  
 饒散髮不妨垂釣還

早涼

涼風吹起夕陽樓獨酌披襟賞未休待月停杯回首  
 處梧桐一葉入初秋

海樓望月

一望樓前日已曛海天月出點無雲晴光千里金波  
 裡多少漁人形影分

歲暮陪宴岡部侯樂只舍得歌韻



盛筵何問歲華過今和罷爭吟白雪歌更待陽春興無  
恙重陪醉臘酒如河

奉和岡部侯元日早朝即事

鳳城元日曙光晴群辟朝來文物榮中有風流兼藻  
翰忻將和及一書生

除夜書懷

生涯薄命逼饑寒寒士從來聞達難况亦衰期明且  
至退樓須計一枝安

春夜喜雨得一東

好雨終宵兼凱風發生從是轉無窮更思明旦庭前

樹開戶幾枝先見紅

江樓送別得元韻

江樓送客已黃昏堤上茫茫草色繁恨殺征帆遠相  
映不同昔日駐王孫

陪遊岡部侯別業靜遠館

盛宴追隨別業遊坐來風色入初秋西山爽氣何邊  
發更覺偏添靜遠幽

為原子直壽乃翁六十

仙吏風流耳順年高筵稱壽會諸賢即今何用斑衣  
舞自有鳳毛裁錦篇



留客得尤韻二首

索居幾歲絕交遊今日迎君其白頭  
遮莫山間供給  
乏一樽話舊強將留

從來山岳世情休况又丹楓逢占秋  
只坐此中迎素  
月如何歌舞醉紅樓

奉賀南楚公子嗣適君加冠

三加重禮命成人吉日高堂且筮賓  
從是豈唯容體  
正更期榮業逐年新

杪冬送人還浪華得文韻

年暮浪華遙送君為思歸到值梅薰  
一枝春色名花

賞幾日知勞驛使分

草堂會業日密雪俄降探韻同賦二首

俄頃紛紛六出花講書恰好避喧譁  
誰知滿坐高吟  
興郢曲一時相和夸

颯來風雪亂如麻今夕勿言歸路遐  
積素凝華相映  
處與諸君欲學孫家

獨行值雪得天字

紛紛雨雪獨行前肅肅寒凍薄暮天  
曠達堪思晉時  
事一過廢頓歷多年

遙壽丸山氏八十應需

丸山氏信州農家頗好文雅云



聞說仙才入老年雅情不減樂堯天豈唯擊壤空無事會友文章照壽筵

仲秋無月飲原子文宅

中秋雅會對金壘醉後詩成興盛哉唯恨月華猶暗度深更待霽復含杯

題隱居圖

石門深鎖白雲中松下唯看五尺童徙倚斜陽回首立迎歸似待主人翁

哭田叔明

君元愛慕竹林遊痛飲多時因病休豈計逢風流頓

盡撫琴慟哭屬吾儔

二月雪同賦得寒字

節退仲春春未闌山林深處雪猶殘晚來復見紛紛降好是樽前勸醉寒

哭生方生

生初小田原別封臣以善乘馬進仕宗藩死年三十一也

出身白駒舉鞭來遷向宗藩千里才堪惜壯齡成過隙單衣黃絲入幽回

高輪避暑

潮聲濯熱滿來時避暑樓臺向晚披嬌態倚欄留客女歸鞍猶繫冶遊兒



五島青大夫東遊三載歸期在明春俄而遭  
太孺人喪賦此代弔詞二首

直置三年千里遊西風回首不勝秋况逢鄉國傳書  
信忽拚封丁母氏憂

憂居秋暮武昌城哭向西天萬感生恨殺君歸期已  
近竟無由慰倚門情

元日寄故人

聖人阪下一儒翁狂簡君知安固窮為報正朝肱臥  
與應時椒酒不全空

小關氏從公駕東鄉書告熊罷喜賀之應需

聞說熊罷吉夢祥生來英物報於鄉預知積善家庭  
美明歲迎歸玉樹芳

季夏哭需藏主

萬松山東海寺之僧

東海高臨古梵丘萬松結夏綠陰稠悲哉幾處淒風  
起一木摧殘不待秋

街上得佳韻

殘花往往映青槐好取清風四月街塵起冶遊公子  
馬蝶留寬步美人釵

初冬雪

節退冬風未覺寒依然秋色映林巒無端昨夜聞飛



霰作雪朝來頓改觀

至日

朝滿朱衣獻履人誰知白屋陸沈身醉來寄傲南牕  
外喜見寒梅纔欲新

林亭客至得佳字

觀易體中志不佳迂君林裏愜幽懷俱誇莫逆無言  
興閑適從來屬我儕

芝村侯自封賜寄懷之作賦之奉謝

舊封落木入新題更帶斜陽來自西字字皆含懷意  
厚寵光如射滿幽棲

同前次韻奉酬

三秋廢業病中過搖落蕭條感慨多  
忻辱兼金千里訊也如難就報章何

送秀存上人住三州松應寺二首

禪廟前有瑞松偃蓋

鬱然大云

奉命退朝催錫飛護  
禪官刹法威輝紫衣繁

果供祠事松下安禪鎖翠微

學席多年以所榮法階一旦進能高  
國恩擁傳馱經處前路光輝凌白毫

宿靖齋浦君宅



漂零老去世交非久濶訪君歡不違多謝今宵投宿  
興殷勤使故舊如歸

壽仲山服兄七十初度三首

此日席上奏樂

三世文宗殆百年一家風調四方傳門生為唱陽春

曲獻壽新聲寫管絃

名家壽宴古稀春時彥相逢滿坐賓醉裏清談殊絕

倒豈唯佳句競驚人

文園尚繼舊時盟赤羽橋頭推老成稱壽寧無羣辟

贈珍羞不讓五侯鯖

狹南集卷之二

好秀存書法孫  
永無紛失所  
持堅門外不出



